

aspânâ spitâmî ýezivî dugedrãm
zarathushtrahê vanghêush paityâstêm mananghô
ashahyâ mazdåscâ taibyô dât sarem
athâ hêm ferashvâ thwâ xrathwâ
spênishtâ
ârmatôish hudânvareshvâ.

4

têm zî vê speredânî varânî
ýâ fedhrôi vîdât paithyaêcâ
vâstryaêibyô atcâ hvaêtaovê
ashâunî ashavabyô mananghô vanghêush
hvênvat hanghush mêm bêedush mazdå dadât
ahurô daênayâi vanghuyâi ýavôi
vîspâi â.

5

sâhvênî vazyamnâbyô kainibyô
mraomî xshmaibyâcâ vademnô
mêñcâ-î
mãzdzdûm vaêdôdûm daênâbîsh
abyascâ ahûm ýê vanghêush mananghô
ashâ vê anyô ainîm vîvêñghatû
tat zî hôi hushênem anghat.

6

ithâ-î haithyâ narô athâ jênayô
drûjô hacâ râthemô ýême
spashuthâ frâidîm drûjô âyesê
hôish pithâ tanvô parâ vayû-beredubyô
dush-hvarethêm nãsat hvâthrem dregvôdebyô
dêjît-aretaêibyô anâish â
manahîm ahûm mereñgeduyê.

7

atcâ vê mîzhdem anghat ahyâ magahyâ
ýavat âzhus zarazdishtô bûnôi
haxtayå paracâ mraocãs aorâcâ
ýathrâ
mainyush dregvatô anãsat parâ
ivîzayathâ magêm têm at vê
vayôi anghaitî apêmem vacô.

8

anâish â duzhvareshnanghô dafshnyâ
hêñtû zah'yâcâ vîspånghô
xraoseñtãm upâ huxshathrâish jênerãm
xrûnerãmcâ râmãmcâ âish
dadâtû shyeitibyô vîzhibyô îratû
îsh dvafshô hvôderezâ merethyâush
mzishtô moshucâ astû. (zôt u râspî.)

9

duzhvarenâish vaêshô râstî tôi
narepîsh rajîsh aêshasâ dêjît-aretâ
peshô-tanvô, kû ashavâ ahurô ýê
îsh jyâtêush hêmithyât
vasê-itôishcâ
tat mazdâ tavâ xshathrem ýâ erezhejyôi
dâhî drigaovê vahyô (3)!

10

(zôt u râspî,) vahishtâ îshtish
srâvî zarathushtrahê ... uxdhâ shyaothanâcâ
(2). ashem vohû ... (3). vahishtôishtîm hâitîm
ýazamaide. vahishtôishtîm gâthãm
ashaonîm ashahe ratûm ýazamaide,
vahishtôishtôish
gâthayå hañdâtâ ýazamaide.
ýenghê hâtãm ... tåscâ
ýazamaide!!!

Avesta -- Zoroastrian Archives

[Contents](#)

[Prev](#)

[Part 11 \(Ha 53\)](#)

[Next](#)

[English](#)